



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Maximus damnatus confugit ad Episcopos Italos; qui patrocinium ejus suscipiunt, damnata Nectarij ordinatione. Causa ejus actitatur in Concilio Aquileiensi sub Ambrosio, ex quo scriptum est ad ...

urn:nbn:de:hbz:466:1-15617

consuleretur ex usu publice pacis atque concordiae; quia revera ad reveremus Gregorium nequaque secundum traditionem patrum Constantinopolitane Ecclesie sibi sacerdotium vindicare.

III. Præter illam porrò epistolam generalē, Damasus aliam scorsum dedit ad Acholium, à quo & ipse scorsum ab Episcopis scriptam epistolam acceperat de ordinatione Maximi, ad eūmque rescripsit non sibi placuisse ordinationem illam, hortatürque eum dare operam uti catholicus Episcopus in Constantinopolitana urbe constituar. *Ad literas sanctitatis tue, inquit, plenè rescripti non mihi placuisse quod nescio quem Maximum ex Aegypto venientes conatum vel maximè, cuius habitus iuxta Apostolum ignominiosus esset, Constantinopoli Episcopum ordinare voluissent. Rectius igitur fecerit sanctitas tua, se dederit operam ut de cetero catholicus constituatur, cum quo nobis Deo proprio posse pax perpetua perdurare.*

IV. Ex his Damasi epistolis collegerunt viri docti, uti jam diximus, Acholium Damasi Legatum fuisse in secunda synodo œcumēnica, cùm tamen nulla illie legationis illius vestigia extent, repugnérque præterea auctoritas epistola Concilij Italici ad Theodosium, quæ docet Acholium non venisse sponte sua ad Concilium, sed invitatum ab Episcopis orientalibus. Quod si quis tamen contentionis studio vellet omnino ex illa epistola colligi Acholium in ea synodo tenuisse locum Damasi, propterea quod ei Damasus injungere videtur ut in Concilio Constantinopolitano catholicum Ecclesię huic Episcopum ordinari procuret, is certè fateatur oportet non uni Acholio commissas fuisse Damasi vices, sed Eurydico etiam, Severo, Vranio, Philippo, & Iohanni, quibus hanc ipsam curam disertis verbis imponit Damasus, atque ita in plures divisam esse auctoritatem quam illi uni Acholio tributam volunt. *De cetero commone sanctitatem vestram, ut quia cognovi dispositum esse Constantinopolitano Concilium fieri debere, sinceritas vestra det operam quemadmodum predicta civitatis Episcopus eligatur qui nullam habeat reprehensionem; ut Deo proprio cùm integra pax catholicorum Sacerdotum fuerit confirmata, nulla deinceps dissensiones in Ecclesia orientantur, ut praefante Deo, quod jamdudum optarimus, cum catholicis sacerdotibus possit pax perpetua perdurare.* Præterea, valde accusanda esset Acholij contumacia, qui non vi mandatorum Damasi Constantinopolim accesserit, sed postquam rogatus & evocatus fuit ab Episcopis orientalibus.

V. Dum hæc Constantinoli agebantur, Theodosius Imperator apud Thessalonicam baptizatus est ab Acholio anno trecentesimo octuagesimo. Is ergo initia fidei

sua consecrare cupiens insigni aliquo facinore, nihil illustrius se facere posse putavit, sic fortassis ab Acholio persuasus, quām si recons Ecclesię Constantinopolitanę schismā sedaret. Ea de causa Concilium in ea urbe convocabat, in quo, ut Socrates & Sozomenus tradunt, tum Nicenī Concilij decreta confirmarentur, tum ordinaretur aliquis qui Constantinopolitanę fedis episcopatum administraret. Advenientes in regiam urbem Episcopi, primò segregantes se ab Episcopis Aegyptiis, sacros conventus cum Gregorio egerunt. At vir pacis amansissimus, cum videbat discordiam inter Episcopos esse subordinatum propter ordinationem suam in Ecclesia Constantinopolitana, ad eāmque rediregrandam illos fuisse congregatos, primum orare uti cùm jam de concordia constituenda convenissent, ea quæ ad concordiam mutuam spectarent, unius hominis injuria p̄ferre velint, abiturum se lubenter episcopatu tantæ urbis, quietem porrò ac tranquillitatem sibi cariorem esse; conquirerent itaque virum præstabilem & sapientem, qui provinciam tam plenam curarum tum capessere tum probè administrare posset, eūmque Episcopum designarent urbis Constantinopolitanae. His rationibus persuasi patres, cùm inter se de negotio magni momenti liberarent, literas ad Acholium Thessalonicensem Episcopum miserunt, orantes uti Constantinopolim veniret, ut cum ejus iudicio sive consilio de regiæ urbis episcopatu decernerent. Gregorio itaque se episcopatu illo abdicante, Nectarium in loco ejus ordinarunt, Maximum autem episcopali dignitate spolarunt, eique Ecclesia interdixerunt.

VI. Videns ista Maximus, in Italianam se contulit, ut Pontificum Italorum, sed præcipuè Damasi Romani & Ambrosij Mediolanensis, quorum ea tempestate summa auctoritas erat, favore fultus, Nectario reprobato, Constantinopolitanam Ecclesiam retinere posset. Constat autem Nectarij ordinationem initio non placuisse Damaso. Itaque affirmare possumus Damasum & occidentale Concilium hoc Maximi configuum approbasse, eāmque occasionem explicandæ auctoritatis Romanæ & occidentalis Ecclesiæ in sedem Constantinopolitanam avide arripiisse. Hinc factum ut in Concilio Aquileiensis sub Ambrosio, quod generale erat ex Occidente, cuique Damasi auctoritatem ex eo inter cetera interveniente colligitur quod de illo congregando Gratianus Imperator ad eum scripsit, ut fidem facit auctor Synodi, in Concilio inquam Aquileiensi, damnata Nectarij ordinatione, ita approbatus fit Maximus, ut Episcopi ex eo Concilio ad Theodosium

Theodosium rescriperint nihil habuisse se in quo de episcopatu ejus dubitare possent, cum etiam vim sibi repugnanti a plerisque etiam de populo & clero testatus esset illatam, neque aliter redintegrari posse concordiam inter occidentales & orientales, qua propter hanc causam soluta & dissociata fuerat, quam si posthabita & cassata Nectarij ordinatione, Maximus, utpote prior ordinatus, sedi Constantinopolitanæ reddetur; si vero obtineri id non posset, certè causam utriusque coram Damaso retractaretur in synodo Romana, ad quam Episcopi ex Occidente & Oriente convenienter.

VII. Huic Concilio Aquileiensi præfuisse Ambrosium Episcopum Mediolanensem vetera illorum temporum monumenta probant. Auctor vero Synodici addit Acholium quoque Thessalonicensem synodi præsidem unam cum Ambrosio fuisse; cum tamen ille neque in epistolis synodis nominatus inventiatur, neque in Actis quæ nunc extant ejusdem Concilij. Ex eo tamen synodici loco viri clarissimi Lucas Holstenius & Petrus Franciscus Chiffletius collegunt Acholium Damasi Legatum fuisse in Concilio Aquileiensi, eo nimur argumento persuasi, quod synodo Aquileiensi, quæ in Italia cogebatur extra Dioecesum Illyricianam, interesse non potuerit nisi sub umbra legationis apostolicae sedis. Ego vero fateor valde dubitare me an Acholius præsens fuerit in Concilio Aquileiensi. Ceterum huic interfuisse potuit etiam ut Episcopus Thessalonicensis, utpote unus Episcoporum Occidentis, adeo ut opus non sit recurrere ad vices Damasi. Immo Legatum ejus illuc non fuisse vel ex eo colligerem (tametsi concederem illum interfuisse synodo) quod primum ubique locum obtinet Ambrosius in epistolis synodis, in quibus Acholius ne nominatur quidem, quod est omnino infra dignitatem ejus qui Vicarius esset Romani Pontificis. Nunc ad causam Maximi & Nectarij revertarum.

VIII. Imperialibus itaque literis, ut Hieronymus ait, Roman ob dissensionem Constantinopolitanæ, Antiochenæ, & Hierosolymitanæ Ecclesiarum contractis Orientis & Occidentis Episcopis anno CCCLXXXII. adfuit etiam Acholius, unus videlicet occidentalium, orientales vero Constantinopolis substituerunt, tametsi & Imperatorum rescriptis & occidentalis Concilij literis Roman evocati fuissent. His literis occidentales, ut ex orientalium epistola colligitur, hortabantur orientales ad pacem Ecclesiarum, nominatim agentes de ordinatione Nectarij, cuius causam in synodo Romana retractandam

esse contendebant juxta postulata prioris synodi. Adfueritne Maximus, annou, à nemine traditum invenio. Probabile tamen est adfuisse in synodo quæ propter eum celebrabatur, & quam Episcopi Italiæ, gratificari ei cupientes, ab Imperatoribus congregari petiverant; præsertim cum ipse a verlos a se videns animos Episcoporum orientalium ac Theodosij Augusti, quorum studia ad Nectarium conversa erant, in Italiam se contulisset, ut causam in synodo ageret suam, quemadmodum loquuntur Episcopi Concilij Italiæ ad Theodosium. Ut cunque se res habeat, certum est causam Maximi tristes exitus habuisse, meliorēmque fuisse Nectarij conditionem.

IX. Rediit deinde Ecclesiis concordia post scriptam ab orientalibus epistolam ad Damasum Papam & ad synodum Romanam, quæ extat apud Theodoreum; in qua jure factam Nectarij ordinationem pertinacissime, licet verbis per quam modestis, affirmabant. Nam hæc omnino sunt verba eorum: *De administrationibus autem quæ sunt cunctæ Ecclesie proprie, cùm vetus, utinam, lex est, tam sanctorum patrum in Niceno Concilio decisio, ut videlicet singularum provinciarum antistites, unam cum finitimis, modo ipsis ita visum fuerit, Episcopis, ministros ad Ecclesiarum commodum in suis ipsorum provinciis ordinent. Ex cuius legis & definitionis prescripto scitote tum alias quæque Ecclesiæ apud nos administratas esse, tum illustrissimarum Ecclesiarum Sacerdotes delectos. Unde Ecclesie Constantinopolitana reccens, ut ita dicam, edificate, quæcumque ex hereticorum blasphemia tanquam ex ore leonis permisericordiam Dei nuper eripimus, reverendissimum sanctissimumque Nectarium in Concilio generali, communii omnium consensu, presente Theodosio Imperatore religiosissimo, totius denique Cleri totiusque civitatis suffragiis, Episcopum constituius.* Et infra: *Quibus rebus tanquam legitime & secundum Ecclesiæ canones constitutis obsecramus vestram reverentiam uti congratuletur, spiritali caritate nos mutuò devinciente, & timore Domini, qui omnem humanam affectionem reprimit, Ecclesiarumque edificationem amori illi & benevolentie, quæ singuli singulos complectuntur, longè anteponit.*

Vide infra lib. 74 c. 4. §. 10.

X. Negotium illud pacis & concordiae prudenti usus consilio consummavit Theodosius Imperator, misa ad Damasum illustri legatione, ut ei significaret ordinationem Nectarij, quæ communii omnium consensu sub praesenti Principis & Concilij generalis peracta fuerat, utque formatam, id est, literas communicatorias, pacis symbolum, ab eo ad Nectarium mitti secundum morem debere insinuaret. Memoriam tantæ rei de-

H

Tom. II.